

摛藻堂四庫全書薈要

集部

欽定四庫全書
欽定四庫全書要卷一萬七千七百九十六

集部

御定全唐詩卷三百九十一

李賀

金銅仙人辭漢歌

并序

魏明帝青龍元年八月詔宮官牽車西取漢孝武
捧露盤仙人欲立置前殿宮官既拆盤仙人臨載
乃潸然淚下唐諸王孫李長吉遂作金銅仙人辭

漢歌

茂陵劉郎秋風客夜聞馬嘶曉無跡畫欄桂樹懸秋香
三十六宮土花碧魏官牽車指千里東關酸風射眸子
空將漢月出宮門憶君清淚如鉛水哀蘭送客咸陽道
天若有情天亦老攜盤獨出月荒涼渭城已遠波聲小

古悠悠行

白景歸西山碧華上迢迢今古何處盡千歲隨風颺海
沙變成石魚沫吹秦橋空光遠流浪銅柱從年消

黃頭郎

黃頭郎擣籠去不歸南浦芙蓉影愁紅獨自垂水吳湘
娥珮竹啼山露月玉瑟調青門石雲溼黃葛沙上蘿蕪
花秋風已先發好持待
一作掃羅薦香出鴛鴦一作熱

馬詩二十三首

龍脊貼連錢銀蹄白踏煙無人織錦韂誰為鑄金鞭
臘月草根甜天街雪似鹽未知口硬軟先擬蒺藜銜
忽憶周天子驅車上玉山鳴騶辭鳳苑赤驥最承恩
此馬非凡馬房星本是星精
一作向前敲瘦骨猶自帶銅

聲

大漠山一作沙如雪燕山月似鉤何當金絡腦快走踏清

秋

飢卧骨查牙麤毛刺破花鬚焦朱色落髮斷鋸長麻

西母酒將闌東王飯已乾君王若燕去誰為拽車轍

赤兔無人用當湏呂布騎吾聞果下馬羈策任蠻兒

驪叔去一作死息憇如今不豢龍夜來霜壓棧駿骨折西

風

催榜渡烏江

一作神

骓泣向風

若吾

王今解劍何處

逐英雄

內馬賜宮人銀韁刺騏驛午時鹽坂上蹭蹬溢風塵

批竹初攢耳朶花未上身他時須攬陣牽去借將軍

寶玦誰家子長聞俠骨香堆金買駿骨將送楚襄王

香襆赭羅新盤龍蹙鑑鱗迴看南陌上誰道不逢春

不從桓公獵何能伏虎威一朝溝龍出看取拂雲飛

唐劍斬隋公拳毛屬太宗莫嫌金甲重且去捉鼯

一作又

作
颶風

白鐵剉青禾
磧間落細莎
世人憐小頸
金埒畏長牙
伯樂向前看
旋毛在腹間
祗今培白草
何日驀青山
蕭寺駄經馬
元從竺國來
空知有善相
不解走章臺
重圍如燕尾
寶劍似魚腸
欲求千里脚
先采眼中光
暫繫騰黃馬
仙人上綠樓
須鞭玉勒吏
何事謫高州
汗血到王家
隨鸞撼玉珂
少君騎海上
人見是青驃
武帝愛神仙
燒金得紫煙
廬中皆肉馬
不解上青天

申胡子觱篥歌 幷序

申胡子朔客之蒼頭也朔客李氏本亦世家子得
祀江夏王廟當年踐履失序遂奉官北郡自稱學
長調短調久未知名今年四月吾與對舍於長安
崇義里遂將衣質酒命予合飲氣熱杯闌因謂吾
曰李長吉爾徒能長調不能作五字歌詩直強迴
筆端與陶謝詩勢相遠幾里吾對後請撰申胡子
觱篥歌以五字斷句歌成左右人合譟相唱朔客

大喜擎觴起立命花娘出幕裔回拜客吾問所宜
稱善平弄於是以繁辭配聲與予為壽

頗熟感君酒含嚼蘆中馨花娘篆綏妥休睡芙蓉屏誰
截太平管列點排空星直貫開花風天上驅雲行今夕
歲華落令人惜平生心事如波濤中坐時時驚朔客騎
白馬劍弛懸蘭纓俊健如生猱月拾蓬中螢

老夫採玉歌

採玉採玉須水碧琢作步搖徒好色老夫飢寒龍為愁

藍溪水氣無清白夜雨岡頭食蓁子杜鵑口血老夫淚
藍溪之水厭生人身死千年恨溪水斜山柏風雨如嘯
泉脚挂繩青囊裏村寒白屋念嬌嬰古臺石磴懸腸草

傷心行

咽咽學楚吟病骨傷幽素秋姿白髮生木葉啼風雨燈
青蘭膏歇落照飛蛾舞古壁生凝塵羈魂夢中語

湖中曲

長眉越沙採蘭若桂葉水蓀春漠漠橫船一作醉眠白

畫閣渡口梅風歌扇薄燕釵玉股照青渠越王嬌郎小
字書蜀紙封巾報雲鬟晚漏壺中一作銅壺水淋盡

黃家洞

雀步蹙沙聲促促四尺角弓青石鏃黑幡三點銅鼓鳴
高作緩啼搖箭箙綵巾纏跨幅半斜溪頭簇隊映葛花
山潭晚霧吟白鼈竹蛇飛蠶射金沙閑驅竹馬緩歸家
官軍自殺容州槎

屏風曲

蝶棲石竹銀交闌水凝綠鴨瑠璃錢團迴六曲抱膏蘭
將鬟鏡上擲金蟬沈香火暖茱萸煙酒觥一作餘綰帶新
承懼月風吹露屏外寒城上鳥啼楚女眠

南山田中行

秋野明秋風白塘水漻漻蟲噴噴雲根苔蘚山上石冷
紅泣露嬌啼色荒畦九月稻牙牙蟻螢低飛隴逕斜石
脈水流泉滴沙鬼燈如漆點一作照松花

貴主征行樂

奚騎一作妓黃銅連鎖甲羅旗香榦金畫葉中軍留醉河

陽城嬌嘶紫燕踏花行春營騎將如紅玉走馬捎鞭上
空綠女垣素月角呴呴牙帳未開分錦衣

酒罷張大徹索贈詩

時張初効潞幕

長鬚張卽三十八天遣裁詩花作骨徃還誰是龍頭人
公主遣秉魚須笏太行一作水荇青草上白衫匣中章奏密

如盤金門石閣知卿有豸角雞香早晚舍隴西長吉摧
頽客酒闌感覺中區窄葛衣斬碎趙城秋吟詩一夜東

方白

羅浮山父人一作與葛篇

依依宜織江雨空雨中六月蘭臺風博羅老仙時出洞
千歲石牀啼鬼工蛇毒濃凝一作毒蛇濃吁洞堂溼江魚不食

銜沙立欲剪箱湘一作中一尺天吳娥莫道吳刀澀

仁和里雜叙皇甫湜湜新尉

陸渾

大人乞馬癯乃寒宗人貸宅荒厥垣橫庭鼠徑空土澀
出籬大棗垂朱殘安定美人截黃綬脫落纓裾暝朝酒

還家白筆未上頭使我清聲落人後枉辱稱知犯君眼
排引纔陞強絇斷洛風送馬入長闕闔扇未開逢猰犬
那知堅一作豎都相草草客枕幽單看春老歸來骨薄面
無膏瘦氣衝頭鬢莖少欲雕小說干天官宗孫不調為
誰憐明朝下元復西道崆峒叙別長如天

宮娃歌

蠟光高懸照紗空花房夜擣紅守宮象口吹香毬暖
七星挂城聞漏板寒入眾恩殿影昏彩鸞簾額著霜痕

啼蛄弔月鉤欄下屈膝銅鋪鎖阿甄夢入家門上沙渚
天河落處長洲路願君光明如太陽放妾騎魚撤波去

堂堂

堂堂復堂堂紅脫梅灰香十年粉蠹生畫梁飢蟲不食
推堆一作碎黃蕙花已老蕊葉長禁院懸簾隔御光華清
源中譽石湯襄回白鳳隨君王

勉愛行二首送小季之廬山

洛郊無俎豆弊廄慙老馬小雁過鑪峰影落楚水下長

船倚雲泊石鏡秋涼夜豈解有鄉情更月聊嗚啞

別柳當馬頭官槐如兔目欲將千里別持我一作此易斗

粟南雲北雲空脈斷靈臺經絡懸春綫青軒樹轉月滿

牀下國飢兒夢中見維爾之昆二十餘年來持鏡頗有

鬚辭家三載今如此索米王門一事無荒溝古水光如

刀庭南拱柳生簪蟠江干幼客真可念郊原晚吹悲號

號

致酒行

零落棲遲一杯酒主人奉觴客長壽主父西遊困不歸
家人折斷門前柳吾聞馬周昔作新豐客天荒地老無
人識空將牋上兩行書直犯龍顏請恩澤我有迷魂招
不得雄雞一聲天下白少年心事當拏雲誰念幽寒坐
嗚呃

長歌續短歌

長歌破衣襟短歌斷白髮秦王不可見旦夕成內熱渴
飲壺中酒飢拔龍頭粟淒淒涼一作涼四月闌千里一時綠

夜峰何離離明月落石底裴回沿石尋照出高峰外不得與之遊歌成鬢先改

公莫舞歌

并序

公莫舞歌者詠項伯翼蔽劉沛公也會中壯士灼灼於人故無復書且南北樂府率有歌引賀陋諸家今重作公莫舞歌云

方花古

一作石

礎排九楹刺豹淋血盛銀冕華

一作軍

筵鼓

吹無桐竹長刀直立割鳴箏橫櫓鹿驥錦生紅緯日炙錦

嫣王未醉腰下三看寶玦光項莊掉箭欄前起材官小

臣公莫舞座上真人赤龍子芒碭雲瑞抱天迴咸陽王

氣清如水鐵樞鐵健重東關大旗五丈撞雙鐸漢王今

日頒一作須秦印絕賸剗腸臣不論

昌谷北園新筍四首

籜落長竿削玉開君看母筍是龍材更容一夜抽千尺
別却池園數寸埃

斫取青光寫楚辭膩香春粉黑離離無情有恨何人見

露壓煙啼千萬枝

家泉石眼兩三莖
曉看陰根紫脈一作陌 生今年水曲春

沙上笛管新
篁拔玉青

古竹老梢惹碧雲
茂陵歸卧歎清貧
風吹千畝迎雨嘯

鳥重一枝入酒尊

惱公

宋玉愁空斷嬌饒
粉自紅歌聲春草露
門掩杏花叢注口
櫻蕊小添簪桂葉濃
曉奩妝秀靨夜帳減
香筒鉢鏡

飛孤鵠江圖畫水漢波陀梳碧鳳腰裏帶金蟲杜若含
清露河蒲聚紫茸月分蛾黛破花合麝朱融髮重疑盤
霧腰輕乍倚風密書題豆蔻隱語笑芙蓉莫鎖茱萸匣
休開翡翠籠美珠驚漢燕燒蜜引胡蜂醉纈拋紅網單
羅挂綠蒙數錢教姹女買藥問巴賓勻臉安斜雁移燈
想夢熊腸攢非束竹腔急是張弓晚樹迷新蝶殘蜺憶
斷虹古時填渤海今日鑿崆峒繡沓褰長幔羅裙結短
封心搖如舞鶴骨出似飛龍井檻淋清漆門鋪綴白銅

隈花開兔徑向壁印狐蹤玳瑁釘簾薄琉璃疊扇映象
牀緣素柏瑤席卷香蕙細管吟朝幌芳醪落夜楓宜男
生楚巷梔子發金墉龜甲開屏瀝鵝毛參一作澤墨濃黃

庭留衛瓘綠樹養韓馮雞唱星懸柳鷗啼露滴桐黃娥
初出座寵妹始相從蠟淚垂蘭燼秋蕪掃綺櫳吹笙翻
舊引沽酒待新豐短珮愁填粟長弦怨削菘曲池眠乳
鴨小閣睡娃僮禱縫叢雙綫鉤綃五總蜀煙飛重錦
峽雨濺輕容拂鏡羞溫嶠薰衣避賈充魚生玉藕下人

在石蓮中舍水彎蛾翠登樓選馬鬟使君居曲陌園令
住臨邛桂火流蘇暖金爐細炷通春遲王子能鳶轉謝
娘慵玉漏三星曙銅街五馬逢犀株防膽怯銀液鎮心
忪跳脫看年命琵琶道吉凶王時應七夕夫位在三宮
無力塗雲母多方帶藥翁符因青鳥送囊用絳紗縫漢
苑尋官柳河橋閥禁鐘月明中婦覺應笑畫堂空

感諷五首

合浦無明珠龍洲無木奴足知造化力不給使君須越

婦未織作吳蠶始蠕蠕縣官騎馬來獰色虬紫鬚懷中
一方板板上數行書不因使君怒焉得詣爾廬越婦拜
縣官桑牙今尚小會待春日晏絲車方擲掉越婦通言
語小姑具黃粱縣官踏浪去簿吏復登堂

奇俊無少年日車何躋躋我待紆雙綬遺我星星髮都
門賈生墓青蠅久斷絕寒食搖揚天憤景長肅殺皇漢
十二帝唯帝稱睿哲一夕信豎兒一作反信
豎兒言文明永淪歇

南山何其悲鬼雨灑空草長安夜半秋風前幾人一作

剪春
姿

老低迷黃昏徑裏裏青櫟道月午樹無影一山唯
白曉漆炬迎新人幽壙螢擾擾

星盡四方高萬物知天曙已生須已卷荷擔出門去君
平久不反康伯循一作遁國路曉思何譊譊闌闌千人語

石根秋水明石畔秋草瘦侵衣野竹香蟄蟄垂葉厚岑

中月歸來蟾光挂空一作雲秀桂一作秋露對仙娥星星下

雲逗淒涼梔子落山壘泣清漏下有張仲蔚披書案將

朽


三月過行宮

渠水紅鱣擁御牆
風嬌小葉學娥妝
垂簾幾度青春老
堪鎖千年白日長

御定全唐詩卷三百九十一

謹案卷三百八十八第四頁前八行天子賜睿陽

羨茶刊本賜訛須據玉川集改



總校官庶吉士臣張能照
校對官檢討臣郭寅

謄錄監生

臣

藍嘉瑄

欽定四庫全書會要

集部

御定全唐詩卷三百九十五

二至五

欽定四庫全書
欽定全唐詩卷三百九十二

集部

御定全唐詩卷三百九十二

李賀

追和何謝銅雀妓

一壺酒秋容滿千里石馬卧新煙憂來何所似歌
聲且潛弄陵樹風自起長裾壓高臺淚眼看花机同

送秦光祿北征

北虜膠堪折秋沙亂曉鼙鬚胡顛犯塞騎氣似橫霓灞

水樓船渡營門細柳開將軍馳白馬豪彥騁雄材箭射
櫬槍落旗懸日月低榆稀山易見甲重馬頰嘶天遠星
光沒沙平草葉齊風吹雲路火雪汙玉闕泥屢斷呼韓
頸曾然董卓臍太常猶舊寵光祿是新隣一作寶玦麒麟
麟起銀壺佛狹啼死花連馬發綵絮撲鞍來呵臂懸金
斗當脣注玉罍清蘇和碎蟻紫膩卷浮杯虎嚮先蒙馬
魚腸且斷犀趨邇西旅狗蹙額北方奚守帳然香暮看
鷹永夜棲黃龍就別鏡青塚念陽臺周處長橋役侯調

短弄哀錢塘階鳳羽正室擘鸞釵內子攀琪樹羌兒奏

落梅今朝擊劍去何日刺蛟迴

酬答二首

金魚公子夾衫長密裝腰鞚割玉方行處春風隨馬尾

柳花偏打內家香

雍州二月梅一作海池春御水鶼鷉暖白頰試問酒旗歌

板地今朝誰是拗花人

畫角東城

河轉曙蕭蕭鴉飛睥睨高帆長標一作越甸壁冷挂吳

標

越甸壁冷挂吳

刀淡菜生寒日鮆魚濱白濤水花霑抹額旗鼓夜迎潮

謝秀才有妾縞練改從於人秀才引留之不得

從生感憶座人製詩嘲謝賀復繼四首

誰知況憶雲望斷梨花春荷絲製機練竹葉剪花裙月
明啼阿姊燈暗會良人也識君夫婿金魚挂在身

銅鏡立青鸞燕脂拂紫綿腮花美暗粉眼尾淚侵寒碧

玉破不復一作瓜後 瑶琴重撥弦今日非昔日何人敢正

看

洞房思不禁蜂子作花心灰暖殘香炷
髮冷青蟲簪夜遙燈焰短睡熟小屏深
好作鴛鴦夢南城罷擣甚尋常輕宋玉
今日嫁文騫戟榦橫龍簾刀環倚桂牕邀

人裁半袖端坐據胡牀淚溼紅輪重棲烏
上井梁

昌谷讀書示巴童

蟲響燈光薄宵寒藥氣濃君憐垂翅客辛苦尚相從

巴童答

巨鼻宜山褐麗眉入苦吟非君唱樂府誰識怨秋深

代崔家送客

行蓋柳煙下馬蹄白翩翩恐隨行

一作處盡何忍重一作

復揚鞭

出城

雪下桂花稀啼鳥被彈歸闕水乘驢影秦風帽帶垂入
鄉試萬里

可重一作誠

無印自堪悲卿卿忍相問鏡中雙淚

姿

一作垂

莫種樹

園中莫種樹種樹四時愁獨睡南牀一作牕月今秋似去

秋

將發

東牀卷席罷護落將行去秋白遙遙空日滿門前路

追賦畫江潭苑四首

吳苑曉蒼蒼宮衣水濺黃小鬟紅粉薄驕馬珮珠長路
指臺城迥羅薰袴褶香行雲霑翠輦今日似襄王

寶袜菊衣單蕉花密露寒水光蘭澤葉帶重剪刀錢角
暖盤弓易靴長上馬難淚痕霑寢帳勻粉照金鞍

剪翅小鷹斜絳根玉鏕花鞅垂妝鉢粟箭菔釘文牙鶯
鶯啼深竹鵝鵠老溼沙宮官燒蠟火飛燼汚鉛華

十騎簇芙蓉宮衣小隊紅練香熏宋鵠尋箭踏盧龍旗
溼金鈴重霜乾玉燈空今朝畫眉早不待景陽鐘

潞州張大宅病酒遇江使寄上十四兄

秋至昭關後當知趙國寒繫書隨短羽寫恨破長箋病

客眠清曉疎桐墜綠鮮城鴉啼粉堞軍吹靡蘆煙岸幘
褰沙幌枯塘卧折蓮木牕銀跡畫石磴水痕錢旅酒侵
愁肺離歌繞懦弦詩封兩條淚露折一枝蘭莎老沙雞
泣松乾瓦獸殘覺騎燕地馬夢載楚溪船椒桂傾長席
鱸鯈斫玳筵豈能忘舊路江島滯佳年

難忘曲

夾道開洞門弱楊低畫戟簾影竹華一作葉起簫聲吹日
色蜂語繞妝鏡拂一作畫蛾學春碧亂繁丁香梢滿欄花

向夕

賈公問貴婿曲

朝衣不湏長分花對袍縫嚶嚶白馬來

一作春

滿腦黃金

重今朝香氣苦珊瑚澀難枕且要美風人暖蒲沙上飲
燕語踏簾鉤日虹屏中碧潘令在河陽無人死芳色

夜飲朝眠曲

觴酣出座東方高腰橫半解星勞勞柳苑鴉啼公主醉
薄露靨花蕙園一作蘭

氣玉轉溼絲牽曉水熟一作熱

粉生

香琅玕紫夜飲朝眠斷無事楚羅之幃臥皇子

王潛墓下作

人間無阿童猶唱水中龍白草侵煙死秋梨遶地紅古書平黑石袖一作神劍斷青銅耕勢魚鱗起墳科一作斜馬

鬢封菊花垂溼露棘徑卧乾蓬松柏愁香澀南原幾夜風

客遊

悲滿千里心日暖南山石不謁承明廬老作平原客四

時別家廟三年去鄉國旅歌屢彈鋏歸問時梨帛

崇義里滯雨

落莫誰家子來感長安秋壯年抱羈恨夢泣生白頭瘦
馬秣敗草雨沫飄寒溝南宮古簾暗溼景傳鐵籌家山
遠千里雲脚天東頭憂眠枕劔匣客帳夢封侯

馮小憐

灣頭見小憐請上琵琶弦破得春風恨今朝直幾錢裙
無竹葉帶鬢溼杏花煙玉冷紅絲重齊宮妾駕鞭

贈陳商

長安有男兒二十心已朽楞伽堆案前楚辭繫肘後人
生有窮拙日暮聊飲酒祇今道已塞何必須白首淒淒
陳述聖披褐鉏俎豆學為堯舜文時人責袁偶柴門車
轍凍日下榆影瘦黃昏訪我來苦節青陽皺太華五千
仞傍地抽林秀旁古無寸尋一上戛牛斗公卿縱不憐
一作言寧能鎖吾口李生師太華大座看白晝逢霜作樸
櫟得氣為春柳禮節乃相去顛願如芻狗風雪直齋壇

墨組貫銅綬臣妾氣態間唯欲承箕帚天眼何時開古
劍庸一吼

釣魚詩

秋水釣紅渠仙人待素書菱絲紫獨繭蒲一作菰米塾雙

魚斜竹垂清沼長綸貫碧虛餌懸春蜥蜴鉤墜小蟾蜍
簷子情無限龍陽恨有餘為看煙浦上楚女淚霑裾

奉和二兄罷使遣馬歸延州

空留三尺劍不用一丸泥馬向沙場去人歸故國來笛

愁翻隴水酒喜憑春灰錦帶休驚雁羅衣尚鬪雞還
已渺渺入郢莫淒淒自是死李樹何畏不成蹊

荅贈

本是張公子曾名孽綠華沈香熏小像楊柳伴啼鴉露
重金泥冷盃闌玉樹斜琴堂沽酒客新買後園花

題趙生壁

大婦然竹根中婦春玉屑冬暖拾松枝日煙坐蒙滅木
蘚青桐老石井一作泉水聲發曝背臥東亭桃花滿肌骨

感春

日暖自蕭條花悲北郭驢榆穿萊子眼柳斷舞兒腰上
幕迎神燕飛絲送百勞胡琴今日恨急語向檀槽

仙人

彈琴石壁上翻翻一仙人手持白鸞尾夜掃南山雲鹿
飲寒澗下魚歸清海濱當時漢武帝書報桃花春

河陽歌

染羅衣秋藍難著色不是無心人為作臺一作臨功客花

燒中潭音誕城顏郎身已老惜許兩少年抽心似春草今
日見銀牌今夜鳴玉譙牛頭高一尺隔坐應相見月從
東方來酒從東方轉觥船飲口紅密炬千枝爛

花遊曲

并序

寒食日諸王妓遊賀入座因採梁簡文詩調賦花
遊曲與妓彈唱

春柳南陌態冷花寒露姿今朝醉城外拂鏡濃掃眉煙
溼愁車重紅油覆畫衣舞裙香不暖酒色上來遲

春晝

朱城報春更漏轉光風催蘭吹小殿草細堪梳柳長如
線卷衣秦帝掃粉趙燕日含畫幕蜂上羅薦平陽花塢
河陽花縣越婦櫛機吳蠶作繭菱汀繁帶荷塘倚扇江
南有情塞北無恨

安樂宮

深一作漆井桐鳥起尚復牽情一作清水未盡邵陵爪餅中
弄長翠新成城一作安樂宮宮如鳳皇翅歌迴蠟板鳴左

惜提壺使綠繁悲水曲茱萸別秋子

胡蝶飛一作舞

楊花撲帳春雲熟
龜甲屏風醉眼纈
東家胡蝶西家飛
白騎少年今日歸

梁公子

風彩出蕭家
本是菖蒲花
南塘蓮子熟
洗馬走江沙
一作
涯御牋銀沫冷
長簾鳳窠斜
種柳營中暗題書
賜館娃

牡丹種曲

蓮枝未長秦蘅老走馬馱金斲春草水灌香泥却月盆
一夜綠房迎白曉美人醉語園中煙晚華已散蝶又闌
梁王老去羅衣在拂袖風吹蜀國弦歸霞帔拖蜀帳昏
嫣紅落粉罷承恩檀郎謝女眠何處樓臺月明燕夜語

後園鑿井歌

井上轆轤牀上轉水聲繁弦聲淺情若何荀奉倩城頭
日長向城頭住一日作千年不須流下去

開愁歌

華下

秋風吹地百草乾華容碧影生晚寒我當二十不得意
一心愁謝如枯蘭衣如飛鶴馬如狗臨岐擊劍生銅吼
旗亭下馬解秋衣請貰宜陽一壺酒壺中喚天雲不開
白晝萬里閑淒迷主人勸我食心骨莫受俗物相填
玉篇廣韻俱無死字統載云
按死即死字音灰相擊也

秦宮詩

并序

漢人秦宮將軍梁冀之嬖奴也秦宮得寵內舍故
以驕名大譖於人予撫舊而作長辭以馮子都之

事相為對望又云昔有之詩

越羅衫袂

一作夾衫

迎春風玉刻麒麟腰帶紅樓頭曲宴仙

人語帳底吹笙香霧濃人間

一作開

酒暖春茫茫花枝入

簾白日長飛牕複道傳籌

一作頭

飲十夜銅盤

一作半夜

朦朧膩

燭黃禿衿小袖調鸚鵡紫繡麻韁踏蹠

同

虎斫桂燒金

待曉筵白鹿青蘇

一作清酥

夜半煮桐英永巷騎新馬

內屋深

一作珍

屏生色畫開門爛用水衡錢卷起黃河向身

鴻皇天厄運猶曾裂秦宮一生花底

一作裏

活鸞籠奪得

不還人醉睡氍毹滿堂月

古鄴城童子謠效王粲刺曹操

鄴城中暮塵起將

一作探

黑丸斫文吏棘為鞭虎為馬

團走鄴城下切玉劍射日弓獻何人奉相公扶轂來關

右兒香掃塗相公歸

楊生青花紫石硯歌

端州石工巧如神踏天磨刀割紫雲
傭利抱水含滿脣暗灑長弘冷血痕
紗帷晝暖墨花春輕漚漂沫松麝薰

乾臘薄重立脚勻數寸光秋無日昏圓毫促點聲靜新

孔硯寬頑一作碩何足云

房中思

新桂如蛾眉秋風吹小綠行輪出門去玉鑾聲斷續月
軒下風露曉庭自幽澀誰能事貞素臥聽莎雞泣

石城曉

月落大隄上女垣棲鳥起細露溼圍紅寒香解夜醉女

牛一作石子渡天河柳煙滿城曲上客留斷纓殘蛾鬪雙綠

春帳依微蟬翼羅橫茵突金隱體花帳前輕絮鶴一作
鶩

毛起欲說春心無所似

苦晝短

飛光飛光勸爾一杯酒吾不識青天高黃地厚唯見月
寒日暖來煎人壽食熊則肥食蛙則瘦神君何在太一
安有天東有若木下置銜燭龍吾將斬龍足嚼龍肉使
之朝不得迴夜不得伏自然老者不死少者不哭何為

服一作
餌黃金吞白玉誰似一作
是任公子雲中騎碧一作
白

驢劉徹茂陵多滯骨羸政梓棺費鮑魚

章和二年中

雲蕭索田

一本無
田字

風拂拂麥芒如簷黍如粟關中父老

百領襦闊東吏人乏詎租健犢春耕土膏黑菖蒲叢叢

沿水脈殷勤為我下田租百錢攜償一作賞絲桐客遊春

漫光塢花白野林散香神降席拜神得壽獻天子七星

貫斷姮娥死

春歸昌谷

束髮方讀書謀身苦不早終軍未乘傳顏子鬢先老天
網信崇大矯士常慳惄逸日駢甘華羈心如荼蓼旱雲
二三月岑岫相顛倒誰揭頑玉盤東方發紅照春熱張
鶴蓋免目官槐小思焦面如病嘗膽腸似絞京國心爛
漫夜夢歸家少發軻東門外天地皆浩浩青樹驪山頭
花風滿秦道宮臺光錯落裝盡一作畫
偏
一作偏峰嶠細綠及園紅當路雜啼笑香風下高廣鞍馬正華耀獨乘雞
棲車自覺少風調心曲語形影祗身焉足樂豈能脫負

檐刻鶴一作鵠 曾無兆幽幽太華側老柏如建纛龍皮相

鵠

一作

曾

兆

幽

幽

太

華

側

老

柏

如

建

纛

龍

皮

相

排

戛

翠

羽

更

蕩

掉

驅

趨

委

憔

悴

眺

覽

強

容

貌

花

蔓

闔

行

輞

穀

煙

暝

深

微

少

健

無

所

就

入

門

愧

家

老

聽

講

依

大

樹

觀書臨曲沼知非出柙虎甘作藏霧豹韓鳥處縉緺湘
簷在籠罩狹行無廊落壯士徒輕躁

昌谷詩

五月二十日作

昌谷五月稻細青滿平

一作草平秋

水遙巒相壓疊頽綠愁

墮地光潔無秋思

一作絲

涼曠吹浮媚竹香滿淒寂粉節

塗生翠草髮垂恨鬢光露泣幽淚層圍爛洞曲芳徑老
紅醉攢蟲鎬古柳蟬子鳴高遠大帶委黃葛紫蒲交狹
渙石錢差復藉厚苔皆蟠膩汰沙好平白立馬印青字
晚鱗自遨遊瘦鵠暝單時嘹嘹溼蛄聲咽源驚濺起紆
緩玉真路自註近武神娥蕙花裏苔絮繚澗礎山實垂
頰紫小柏儼重扇肥松突丹髓鳴流走響韻壠秋拖光
穟鶯唱閉女歌瀑懸楚練帔風露滿笑眼駢巖雜舒墜
亂條一作
繁逕石嶺細頸喧島毖日脚埽昏翳新雲啟華

閟謐謐厭夏光商風道清氣高眠服

一作復

玉容燒桂祀

天几

谷與女山嶺阪相承山即蘭香神女上天處也遺几在焉

霧衣夜披拂眠壇夢

真粹待駕棲鸞老故宮椒壁圮

福昌宮在谷之東

鴻瓌數鈴響

羈臣發涼思陰藤束朱鍵龍帳著魈魅碧錦帖花檉香

衾事殘貴歌塵蠹木在舞綵長雲似珍

一作玲

壤割繡段

里俗祖風義隣凶不相杵疫病無邪祀鮀皮識仁惠卯

角知覲耻縣省司刑官戶乏詣租吏竹數添墮簡石礲

引鉤餌溪灣轉水帶芭蕉傾蜀紙岑光晃縠襟孤景拂

繁事泉尊陶宰酒月眉謝卽妓丁丁幽鐘遠矯矯單飛
至霞巘殷差峩危溜聲爭次淡蛾流平碧薄月眇陰悴
涼光入澗岸廊盡山中意漁童下宵網霜禽竦煙翅潭
鏡滑蛟涎浮珠喰魚戲風桐一作松瑤匣瑟螢星錦城使

柳綴長縹帶篁掉短笛吹石根緣綠蘚蘆筍抽丹漬漂
旋羨天影古檜擎雲臂愁月薇帳紅胥雲香蔓刺芒麥
平百井閑乘列千肆刺促成紀人好學鵠夷子

銅駝悲

落魄三月罷尋花去東家誰作送春曲洛岸悲銅駝橋
南多馬客北山饒古人客飲孟中酒駝悲千萬春生世
莫徒勞風吹盤上燭厭見死株笑銅駝夜來哭

自昌谷到洛後門

九月大野白蒼岑竦秋門寒涼十

一作交

月末露

一作雪

霰

一

作舍

蛇

濛曉昏澹色結畫天心事填空雲道上千里風野竹蛇
涎痕石澗凍

一作東

波聲雞叫

清寒晨强行到

一作東都

舍

解馬投舊隣東家名廖者鄉曲傳姓辛杖頭非飲酒吾

請造其人始欲南去楚又將西適秦襄王與武帝各自
留青春聞道蘭臺上宋玉無歸魂絪縹兩行字執蟲蠹
秋芸為探秦臺意豈命余負薪

七月一日曉入太行山

一夕遶山秋香露溘蒙蒙新橋倚雲阪候蟲嘶露樸洛
南陽一作今已遠越衾誰為熟石氣何淒淒老莎如短鍼

秋涼詩寄正字十二兄

閉門感秋風幽姿任契闊大野生素空天地曠肅殺露

光一作露泣殘蕙蟲響連夜發房寒寸輝薄迎風絳紗折

披書古芸馥恨唱華容歇百日不相知花光變涼節弟兄誰念慮牋翰既通達青袍度白馬草簡奏東闕夢中相聚笑覺見半牀月長思劇尋環亂憂抵覃葛

御定全唐詩卷三百九十二

欽定四庫全書
欽定全唐詩卷三百九十三

御定全唐詩卷三百九十三

李賀

艾如張

錦襜褕繡襪襦強飲啄哺爾雛籠東卧穟滿風雨莫信

逐一作籠一作籠龍一作媒寵西去齊入織網如素空張在野田

春平碧中網絲漠漠無形影誤爾觸之傷首紅艾葉綠

花誰剪刻中藏禍機不可測

上雲樂

飛香走紅滿天春
花龍盤盤上紫雲
三千宮一作綵女列

金屋五十弦
瑟海上聞天江一作碎
碎銀沙路羸女機

中斷煙素斷
煙素縫衣縷一作
舞衣八月一日君前舞

摩多樓一作子

玉塞去金人二萬四千里
風吹沙作雲一時渡遼水
天白水如練
甲絲雙串斷行行
莫苦辛城月猶殘半曉氣
朔煙上趨趨胡馬蹄
行人臨水別隔隴一作長東西

猛虎行

四言

長戈莫春長弩莫抨乳孫哺子教得生綈舉頭為城掉
尾為旌東海黃公愁見夜行道逢驥虞牛哀不平何用
尺刀壁上雷鳴泰山之下婦人哭聲官家有程吏不敢
聽

日出行

白日下崑崙發光如舒絲徒照葵藿心不照遊子悲折
折黃河曲日從中央轉陽谷耳曾聞若木眼不見柰爾

一作鑠 石胡為銷人羿
弓屬矢那不中足令
何 翱四火一作不得奔詎教晨光夕昏
字

苦篁調嘯引

請說軒轅在時事伶倫採竹二十四伶倫採之自崑丘
一作軒轅詔遣中分作十二伶倫以之正音律軒轅以
之調元氣當時黃帝上天時二十三管咸相隨唯留一
管人間吹無德不能得此管此管沈理虞舜祠

拂舞歌辭

吳娥聲絕天空雲閒裴回門外滿車馬亦湏生綠苔尊
有烏程酒勸君千萬壽全勝漢武錦樓上曉望晴寒一作
空飲花露東方日不破天光無老時丹成作蛇乘白霧
千年重化玉井土從蛇作土一一作千載吳堤綠草年
年在背有八卦稱神仙邪鱗頑甲滑腥涎

夜坐吟

踏踏馬蹄誰見過眼看北斗直天河西風羅幕生翠波
鉛華笑妾顰青蛾為君起唱一作長相思簾外嚴霜皆

倒飛明星爛爛東方陲紅霞梢出東南涯陸郎去矣乘

班駟

箜篌引

又曰公
無渡河

公乎公乎提壺將焉如屈平沈湘不足慕徐衍入海誠
為愚公乎公乎牀有管席盤有魚卦里有賢兄東隣有
小姑隴畝油油黍與葫一作禾瓦瓶濁醪蟻浮浮黍可食

醪可飲公乎公乎其柰居被髮奔流竟何如賢兄小姑

哭嗚嗚

巫山高

碧叢叢高

一作齊插一作撐

天大江翻瀾

神曳煙楚魂尋夢

風颶

一作颯

然曉風飛雨生苔錢

瑤姬一去一千年丁香

筇竹啼老猿古祠近月蟾桂寒

椒花墜紅溼雲間

一作端

平城下

飢寒平城下夜夜守明月

別劙無玉花海風

斷鬢髮塞

長連白空遙見漢旗紅青帳吹短笛

煙霧溼畫龍日晚

在城上依稀望城下風吹枯蓬起

城中嘶瘦馬借問篴

城吏去關幾千里惟愁裏屍歸不惜倒戈死

江南弄

江中綠霧起涼波天上疊巘紅差峩水風浦雲生老竹
渚暝蒲帆如一幅鱸魚千頭酒百斛酒中倒臥南山綠
吳歛越吟未終曲江上團團帖寒玉

榮華樂

一作東洛
梁家謠

鶯肩公子二十餘齒編貝脣激朱氣如虹霓飲如建瓴
走馬夜歸叫嚴更徑穿複道遊椒房龍裘金玦雜花光

玉堂調笑金樓子臺下戲學邯鄲倡口吟舌話稱女郎
錦袴繡面漢帝旁得明珠十斛白璧一雙新詔垂金曳
紫光煌煌馬如飛人如水九卿六官皆望履將迴日月
先反掌欲作江河唯畫地峩峩虎冠上切雲竦劍晨趨
凌紫氛繡段千尋貽皂隸黃金百鑑貺家臣十二門前
張大宅晴春煙起連天碧金鋪綴日雜紅光銅龍燭環
似爭力瑤姬凝醉卧芳席海素籠牕空下隔丹穴取鳳
充行庖瓊瓈如拳那足食金蟾呀呀蘭燭香軍裝武妓

聲琅璫誰知花雨夜來過但見池臺春草長嘈嘈弦吹
匝天開洪厓簫聲遶天來天長一矢貫雙虎雲祀絕騁
暭旱雷亂袖交竿管兒舞吳音綠鳥學言語能教刻石
平紫金解送刻毛寄新兔三皇皇一本少一皇字后七貴人五

十校尉二將軍當時飛去逐彩雲化作今日京華春

相勸酒

羲和騁六轡晝夕不曾閒彈烏崦嵫竹一作扶馬蟠桃

鞭蓐收既斷翠柳青帝又造紅蘭堯舜至今萬萬歲數

子將為傾蓋間青錢白璧買無端丈夫快意方為歡
矯矯熊何足云會須鍾飲北海箕踞南山歌淫淫管惜
惜橫波好送雕題金人生得意且如此何用強知元化
心相勸酒終無輟伏願陛下鴻名終不歇子孫綿如石
上葛來長安車駢駢中有梁冀舊宅石崇故園

瑤華樂

穆天子走龍媒八轡冬瓏逐天迴五精掃地凝雲開高
門左右日月環四方錯鏤稜層殷舞霞垂尾長盤珊瑚江

澄海淨神母顏施紅點翠照虞泉曳雲拖玉下崑山列
旆如松張蓋如輪金風殿一作秋清明發春八鑾十乘

斂

蠹如雲叱瓊鍾瑤席甘露文玄霜絳雪何足云薰梅染
柳將贈君鉛華之水洗君骨與君相對作真質

壯中寒

一方黑照三方紫黃河水合魚龍死三尺木皮斷文理
百石強車上河水霜花草上大如錢揮刀不入迷濛天

爭一作淨一作滄海水飛凌喧山瀑無聲玉虹懸

梁臺古愁一作意

梁王臺沼空中立天河之水夜飛入臺前鬪玉作蛟龍
綠粉掃天愁露溼撞鐘飲酒行射天金虎蹙裘噴血斑
朝朝暮暮愁海翻長繩繫日樂當年芙蓉凝紅得秋色
蘭臉別春啼脈脈蘆洲客雁報春來寥落野篁秋漫白

公無出門

天迷迷地密密熊虺食人魂雪霜斷一作風破人骨喉犬狺
狺相索索舐掌偏宜佩蘭客帝遣乘軒災自息玉星點

劔黃金輓我雖跨馬不得還。厯陽湖波大如山。毒虬相
視振金環。後貌狹偷吐。嚙涎鮑焦一世披草眠。顏回廿
九鬢毛斑。顏回非血衰。鮑焦不違天。天畏遭銜齧。所以
致之然。分明猶懼公不信。公看呵壁書問天。

神弦別曲

巫山一作陽 小女隔雲別春風。松花一作松 花春風。山上發綠蓋

獨穿香徑歸白馬。花竿前子子蜀江風。澹水如羅隋蘭
誰泛相經過。南山桂樹為君死。雲衫淺污紅脂花。

綠水詞

今宵好風月阿侯在何處為有傾人色

一作城人翻成足愁

苦東湖採蓮葉南湖拔折

一作浦根

一作草未持寄小姑且

持感愁魂

一作秋風

沙路曲

柳臉

一作陰

半眠丞相樹珮馬釘鈴踏沙路斷燼遺香囊

翠煙燭

獨一作騎

啼

一作蹄

鳥一作鳴

上天去帝家玉龍開九

闕帝前動

一作簪

笏移南山獨垂重印押千官金窠

一作科

篆字紅屈盤汎路歸來聞好語旱火不光天下雨

上之回

上之回大旗喜懸紅雲撻鳳尾劔匣破舞蛟龍蚩尤死
鼓逢逢天高慶雷齊墜地地無驚煙海千里

高軒過

韓員外愈皇甫侍御
湜見過因而命作

華裾織翠青如葱金環壓轡搖玲一作冬瓏馬蹄隱耳一作

隱聲隆隆入門下馬氣如虹云是一本無云
二字東京才子

文章鉅一本無字公二十八宿羅心胸九精照耀

一作元
精耿耿

貫當中殿前作賦聲摩空筆補造化天無功龐眉書客
感秋蓬誰知死草生華風我今垂翅附冥鴻他日不羞
蛇作龍

貝宮夫人

丁丁海女弄金環一作錢雀釵翹揭雙翅闕六宮不語一

生閒高懸銀牋照青山長睂凝綠幾千年清涼堪老鏡
中鸞秋肌稍覺玉衣寒空光帖妥水如天

蘭香神女廟

三月
中作

古春年年在閒綠搖暖雲松香飛晚華柳渚含日昏沙
砌落紅滿石泉生水岸幽簷畫新粉蛾綠橫曉門弱蕙
不勝露山秀愁空春舞珮剪鸞翼帳帶塗輕銀桂蘭吹
濃香菱藕長莘莘看雨逢瑤姬乘船值江君吹簫飲酒
醉結綬金絲裙走天呵白鹿遊水鞭錦鱗密髮虛鬟飛
膩頰一作醫凝花勻圓鬢分珠巢穠簪籠小脣美蝶和輕

妍風光怯腰身深幃金鴨冷奩鏡幽鳳塵踏霧乘風歸
撼玉山上聞

送韋仁實兄弟入關

送客飲別酒千觴無諸頰何物最傷心馬首鳴金鏺野
色浩無主秋明空曠間坐來壯膽破斷目不能看行槐
引西道青梢長攢攢韋郎好兄弟疊玉生文翰我在山
上舍一畝蒿磽田夜雨叫租吏春聲暗交聞一作關誰解
念勞勞一作苦蒼突唯南山

洛陽城外別皇甫湜

洛陽吹別風龍門起斷煙冬樹束生澀晚紫凝華天單

身野霜上渡馬飛蓬間凭軒一雙淚奉墜綠衣前

溪晚涼

白狐向月號山風秋寒掃雲留碧空玉煙青溼白如幢
銀灣曉轉流天東溪汀眠鷺夢征鴻輕漣不語細游溶
層岫迴岑複疊龍苦篁對客吟歌筒

官不來題皇甫湜先輩廳

官不來官庭秋老桐錯幹青龍愁書司曹佐走入牛疊

聲問佐官來不官不來門幽幽

長平箭頭歌

漆灰骨末丹水沙淒淒古血生銅花白翎金幹雨中盡
直餘三脊一作徑寸殘狼牙我尋平原乘兩馬驛東石田蒿
塢下風長日短星蕭蕭黑旗雲溼懸空夜左魂右魄啼
肌瘦酪瓶倒盡將羊炙蟲棲雁病蘆筍紅迴風送客吹
陰火訪古汎瀾收斷鏃折鋒赤璺曾剗肉南陌東城馬
上兒勸我將金換簷竹

江樓曲

樓前流水江陵道鯉魚風起芙蓉老曉釵催

一作擁

鬢語

南風抽帆歸來一日功罣吟浦口飛梅雨竿頭酒旗換

青苧蕭騷浪白雲差池

一作參差

黃粉油衫寄郎主新槽酒

聲苦無力南湖一頃菱花白眼前便有千里愁小玉開

屏見山色

塞下曲

樂府詩
三首

胡角引壯風薊門白於水天含青海道城頭月千里露
下旗濛濛寒金鳴夜刻蕃甲鏃蛇鱗馬嘶青塚白秋靜

見旄頭沙遠席羈一作其愁帳北天應盡河聲出塞流

染絲上春機

玉罌泣

一作汲

水桐花卉清絲沈水如雲影美人嬾態燕

脂愁春梭拋擲鳴高樓綵線結茸背複疊白袷玉郎寄

桃葉為君挑鸞作腰綬願君處處宜春酒

一作雪

五粒小松歌

并序

前謝秀才杜雲卿命予作五粒小松歌予以選書
多事不治曲辭經十日聊道八句以當命意

蛇子蛇孫鱗蜿蜿新香幾粒洪崖飯綠波浸葉滿濃光

細東龍鬚鉸刀剪主人壁上鋪州圖主人堂前多俗儒

月明白露秋淚滴

一作露泣
懸秋淚

石筍溪雲宵寄書

塘上行

藕花涼露溼花缺藕根澀飛下雌

一作鴛鴦塘水聲溢

溢

呂將軍歌

呂將軍騎赤兔獨攜大膽出秦門金粟堆邊哭陵樹壯

方逆氣汙青天劍龍夜叫將軍閒將軍振袖揮劍鐸玉
闕朱城有門閣檻檻銀龜搖白馬傳粉女郎火一作大旗

下恒山鐵騎請金槍遙聞簾中花箭香西郊寒蓬葉如
刺皇天新親一作裁餐神驥廄中高柄排桃一作蹇蹄飽食

青芻飲白水圓蒼低迷蓋張地九州人事皆如此赤山
秀鋌禦時英綠眼將軍會天意

休洗紅

休洗紅洗多紅色淺卿卿騁少年昨日殷橋見封侯早

歸來莫作弦上箭

神弦曲

西山日沒東山昏
旋風吹馬馬踏雲
畫弦素管聲淺繁
花裙絰繚步秋塵
桂葉刷風桂墜子青
狸哭血寒狐死古壁
彩虬金帖尾雨工騎
一作夜潭水百年老鴟成

木魅笑聲碧火巢中起

野歌

鶡翎羽箭山桑弓
仰天射落衡蘆鴻
麻衣黑肥衝北風

帶酒日晚歌田中男兒屈窮心不窮枯榮不等噴天公
寒風又變為春柳條條看即煙濛濛

神弦

女巫澆酒雲滿空玉爐炭火香鼓鼙海神一作寒雲山鬼來

座中紙錢窸窣鳴飈風相思木帖金舞鸞攢蛾一嗟重
一彈呼星召鬼歆杯盤山魅食時人森寒終南日色低
平灣神兮長在有無間神嗔神喜師更願送神萬騎還

青山

將進酒

琉璃鍾琥珀濃小槽酒滴真珠紅烹龍炮鳳玉脂泣羅

屏一作繡幕圍香一作春風吹龍笛擊鼉鼓皓齒歌細腰

舞况是青春日將暮桃花亂落如紅雨勸君終日酩酊

醉一作歸酒不到劉伶墳上土

美人梳頭歌

西施曉夢綃帳寒香鬟墮髻半沈檀轆轤咿啞轉鳴玉驚起芙蓉睡新足雙鸞開鏡秋水光解鬟臨鏡立象牀

一編香絲雲撒地玉釵落處無聲膩纖手却盤老鷗色
翠滑寶釵簪不得春風爛熳惱嬌慵十八鬟多無氣力
妝成鬟髻散不斜雲裾數步踏雁沙背人不語向何處
下堦自折櫻桃花

月漉漉篇

月漉漉波煙

咽一作

玉莎青桂花繁芙蓉別江木粉態被

羅寒雁羽鋪煙溼誰能看石帆乘船鏡中入秋白鮮紅

死水香蓮子齊挽菱隔歌袖綠刺胥銀泥

京城

驅馬出門意牢落長安心兩事誰向道自作秋風吟

官街鼓

曉聲隆隆催轉日暮聲隆隆呼月出漢城黃柳暝新簾

柏陵飛燕埋香骨

一作碎

千年日長白孝武秦王

一作

聽不得從君翠髮蘆花色獨共南山守中國幾迴天上葬神仙漏聲相將無斷緣

一作續又作絕

許公子鄭姬歌

鄭園中
請賀作

許史世家外親貴宮錦千端買沈醉銅駝酒熟烘明膠
古堤大柳煙中翠桂開客花名鄭袖入洛聞香鼎門口
先將芍藥獻妝臺後解黃金大如斗莫愁簾中許合歡
清弦五十爲君彈彈聲咽春美君骨骨興牽人馬上鞍
兩馬八蹄踏蘭苑情如合竹誰能見夜光玉枕栖鳳皇
祫羅當門刺純綫長翻蜀紙卷明君轉角含商破碧雲
自從小醫來東道曲裏長眉少見人相如塚上生秋柏
三秦誰是言情客蛾鬟醉眼拜諸宗爲謁皇孫請曹植

新夏歌

曉木千籠真蠟綵落

一作絳
一作蕊
一作華

枯香數分在陰枝秀

拳一作牙

卷縹茸長風迴氣扶葱蘋

龍野家麥畦上新壠長

畛襄回桑柘重刺香滿地菖蒲草雨染燕語悲身老

三月搖揚入河道天濃地濃

一作穠
一作柳梳掃

題歸夢

長安風雨夜書客夢昌谷怡怡中堂笑小弟裁澗菜家門
厚重意望我飽飢腹勞勞一寸心燈花照魚目

經沙苑

野水泛長瀾宮牙開小簷無人柳自春草渚鴛鴦暖晴嘶臥沙馬老去悲啼展今春還不歸塞嚙折翅雁

出城別張又新酬李漢

李子別上國南山崆峒春不聞今夕鼓差憫煎情人趙壹賦命薄馬卿家業貧鄉書何所報紫蕨生石雲長安玉桂國戟帶披侯門慘陰地自光寶馬踏曉昏臘春戲草苑玉輓鳴轔轔綠網綰金鈴霞卷清池濱開貫鴻蚨

母買氷防夏蠅時宜梨大袂一作被劍客車盤茵小人如

死灰心切生秋榛皇圖跨四海百姓施一作施長紳光明

靄不發腰龜徒簪銀吾將謔禮樂聲調摩清新欲使十

千歲帝道如飛神華實自蒼老流采一作來長傾溢沒沒

暗齧舌涕血不敢論今將下東道祭酒而別秦六郡無

勦兒長刀誰拭塵地理陽無正快馬逐服轍二子美年

少調道講一作講清渾譏笑斷冬夜家庭踈篠穿曙風

起四方秋月當東懸賦詩面投擲悲哉不遇人此別定

雪臆越布先裁巾

御定全唐詩卷三百九十三

欽定四庫全書
唐詩卷三百九十四

集部

御定全唐詩卷三百九十四

李賀

南園

方領蕙帶折角巾杜若已老蘭苕春南山削秀藍玉合
小雨歸去飛涼雲熟杏暖香梨葉老草稍一作蒲竹柵鏹

池痕一作滑鄭公鄉老開酒尊坐汎楚奏一作酒吟招魂

假龍吟歌

石軋銅杯吟詠枯瘁蒼鷹一作鸞擺血白鳳下肺桂子自

落雲弄車蓋木死沙崩惡谿島阿母得仙今不老窟中

跳汰截清涎隈墻臥水埋金爪崖蹬蒼苔一作蒼弔石髮

江君掩帳簫管折蓮花去國一千年雨後聞腥猶帶鐵

感諷六首

人間春蕩蕩帳暖香揚揚飛光染幽紅誇嬌來洞房舞
席泥金蛇桐竹羅花牀眼逐春暝醉粉隨淚色黃王子
下馬來曲沼鳴鴛鴦焉知腸車轉一夕巡九方

苦風吹朔寒沙驚秦木折舞影逐空天晝鼓餘清節蜀書秋信斷黑水朝波咽嬌魂從回風死處懸鄉月

雜雜胡馬塵森森邊士戟天教胡馬戰曉雲皆血色婦人攜漢卒箭箇囊巾幘不慙金印重跕躅腰鞬力恂恂鄉門老昨夜試鋒鏑走馬遣書勲誰能分粉墨

青門一作鳥放彈去馬色連空郊何年帝家物玉裝鞍上搖去去走犬歸來來坐烹羔千金不了饌洛一作格肉

稱盤臊試問誰家子乃老一作云能佩刀西山白蓋下賢

傷寒蕭蕭

曉菊泣一作露似悲團扇風秋涼經漢殿班子泣

紅本無辭輦意豈見入空宮腰極珮珠斷灰蝶生陰松

蝶一作蜂紅粉臺柳掃吹笙道十日懸戶庭九秋無哀

草調歌送風轉杯池白魚小水宴截香腴菱科映

青草華蒙一作梨花滿春晵弄長嘯一作笑唯愁苦花落

不悟世衰到撫舊唯銷一作傷魂南山坐悲峭一作嘯

莫愁曲

草生龍坡下鴟噪城堞頭何人此城裏城角裁石榴青
絲繫五馬黃金絡雙牛白魚駕蓮船夜作十里遊歸來
無人識暗上沈香樓羅牀倚瑤瑟殘月傾簾鉤今日槿
花落明朝桐樹秋莫若一作負平生意何名何一作莫愁

夜來樂

紅羅複帳水流一作塗蘇華燈九枝懸鯉魚麗人映月開
銅鋪春水滴酒猩猩沽價字一本有重一箇香十株赤金瓜
子兼雜麸五絲封青鳧一作五色絲封青鳧一玉鳧阿侯此

笑千萬餘南軒漢轉簾影疎桐林啞啞挾子烏劙崖鞭
節青石珠白騶吹湍凝霜鬚漏長送珮承明一作胡盧倡

樓塞我明月孤新客下馬故客去綠蟬秀黛重拂梳

嘲雪

昨日發葱嶺今朝下蘭渚喜從千里來亂笑含春語一作
兩龍沙溼漢旗鳳扇迎秦素久別遼城鶴毛衣已應故

春懷引

芳蹊密影成花洞柳結濃煙一作陰香帶重蟾蜍碾玉挂

一作明弓捍撥裝金打仙鳳寶枕垂雲選春夢鈿合碧
作

寒龍腦凍阿侯繫錦覓周郎憑仗東風好相送

白虎行

火鳥日暗崩騰雲秦皇虎視蒼生群燒書滅國無暇日
鑄釗佩玦惟呼一作將軍玉壇設醮思沖天一世二世當
萬年燒丹未得不死藥擎舟海上尋神仙鯨魚張鬚海
波沸耕人半作征人鬼雄豪氣猛如燄煙一作猛烈燒空無
人為決天河水誰最苦兮誰最苦報人義士深相許漸

離擊筑荆卿歌荆卿把酒燕丹語劔如霜兮膽一作如

鐵出燕城兮望秦月天授秦封祚未移一作終袞龍衣點

荆卿血朱旗卓地白虎死漢皇知却一作是真天子

有所思

去年陌上歌離曲今日君書遠遊蜀簾外花開二月風
臺前淚滴千行竹琴心與妾腸此夜斷還續想君白馬
懸雕弓世間何處無春風君心未肯鎮如石妾顏不久
如花紅夜殘高碧橫長河河上無梁空白波西風未起

悲龍梭年年纖素攢雙蛾江山迢遞無休絕淚眼看燈
乍明滅自從孤館深鎖牕桂花幾度圓還缺鴟鴞向曉
鳴森木風過池塘響叢玉白日蕭條夢不成橋南更問
仙人卜

喝少年

青驄馬肥金鞍光龍腦入縷羅衫香美人狹坐飛瓊觴
貧人喚云天上郎別起高樓臨碧篠絲曳紅鱗出深沼
有時半醉百花前背把金丸落飛鳥自說生來未為客

一身美妾過三百豈知斂地種苗一作田家官稅頻催勿

沒一作人織長得金一作積玉誇豪毅每揖閒人多意氣生

來不讀半行書只把黃金買身貴少年安得長少年海

波尚變爲桑田榮枯遞傳一作轉急如箭天公不一作豈官

於公偏莫道韶華鎮長在髮白面皺專相待

高平縣東私路

侵侵槲葉香木花滯寒雨今夕山上秋永謝無人處石

蹊遠荒澗棠實懸辛苦古者一作道定幽尋呼君作私路

神仙曲

碧峰海面藏靈書上帝揀作神仙居清明一作晴時笑語聞

空虛鬪乘巨浪騎鯨魚春羅書字邀王母共讌紅樓最

深處鶴羽衝風過海遲不如却使青龍去猶疑王母不

相許垂露一作霧娃鬟更傳語

龍夜吟

鬢髮胡兒眼睛綠高樓夜靜吹橫竹一聲似向天上来
月下美人望鄉哭直排七點星藏指暗合清風調宮徵

蜀道秋深雲滿林湘江半夜龍驚起玉堂美人邊塞情
碧牕皓月愁中聽寒砧能擣百尺練粉淚凝珠滴紅線
胡兒莫作隴頭吟隔牕暗結愁人心

崑崙使者

崑崙使者無消息茂陵煙樹生愁色金盤玉露自淋漓
元氣茫茫收不得麒麟背上石文梨虬龍鱗下紅枝折
何處偏傷萬國心中天夜久高明月

漢唐姬飲酒歌

御服沾霜露天衢長秦棘金隱秋塵姿無人爲帶飾玉

堂歌聲寢芳林煙樹隔雲陽臺上歌兒哭復何益鐵劍

常一本缺字

光光至亮威屢逼

一作伏鯢明秋彊暴噬水亮威屢脅逼

母心

舜厲索人魄相看兩相泣淚下如波激寧用清酒爲欲
作黃泉客

一作隔

不說玉山頽且無飲中色勉從天帝訴

天上寡沈厄無處張總帷如何望松柏妾身畫團團君
魂夜寂寂蛾眉自覺長頸粉誰憐白矜持昭陽意不肖

看

一作

南陌

聽穎師琴歌

別浦雲歸桂花渚蜀國弦中雙鳳語芙蓉葉落秋鸞離
越王夜起遊天姥暗珮清臣敲水玉渡海蛾眉牽一作乘

白鹿誰看挾劍赴長橋誰看漫髮題春竹竺僧前立當
吾門梵宮真相看稜尊古琴大軫長八尺鐸陽老樹非
桐孫涼館聞弦驚病客藥囊暫別龍鬚席請歌直一作當

請卿相歌奉禮官卑復何益

謠俗

上林胡蝶小試伴漢家君一作春 飛向南城去誤落石榴
裙脈脈花滿樹翾翾燕遙雲出門不識路羞問陌頭人

靜女春曙曲

嫩葉憐芳抱新蕊泣露枝枝滴天淚粉牕香咽積曉雲
錦堆花密藏春睡戀屏孔雀搖金尾鶯舌分明呼婢子
冰洞寒龍半匣水一隻商鸞逐煙起

少年樂

芳草落花如錦地二十長遊醉鄉裏紅纓不動白馬驕

垂柳金絲香拂水吳娥未笑花不開綠鬢聳墮蘭雲起
陸郎倚醉牽羅袂奪得寶釵金翡翠

句

不見山顛樹摧杌下為薪日睹井中泥上出作埃塵

瑩

謠一作豈甘井中泥時至出作塵

情知一丘趣不謝千里印倚劖

登高臺悠悠送春目

以上並見海錄碎事

欽定四庫全書
唐詩卷三百九十五

集部

御定全唐詩卷三百九十五

劉叉

劉叉元和時人少任俠因酒殺人亡命會赦出更折節
讀書能為歌詩聞韓愈接天下士步歸之作冰柱雪車
二詩後以爭語不能下賓客因持愈金數斤去曰此諛
墓中人得耳不若與劉君為毒遂行歸齊魯不知所終
詩一卷

冰柱

師干久不息農為兵兮民重嗟騷然縣宇

一作
宇縣

土崩水

潰晚中無熟穀壠上無桑麻王春判序百卉茁甲含葩

有客避兵奔遊僻跋履險阨至三巴貂裘蒙茸已敝縷

鬢髮蓬舥雀驚鼠伏寧遑安處獨臥旅舍無好夢更堪

走風沙天人一夜剪瑛琭詰旦都成六出花南畝未盈

尺纖片亂舞空紛拏旋落旋逐朝晴一作
暎化簷間冰柱

若削出交加或低或昂大小瑩潔隨勢無等差始疑玉

龍下界來人世齊向茅簷布爪牙又疑漢高帝西方未
一作斬蛇人不識誰為當風杖一作空非莫邪鏗鏙一作永

有韻的饒玉無瑕不為四時雨徒於道路成泥租不為
九江浪徒爲汨沒天之涯不為雙井水滿甌泛泛烹春

茶不為中山漿清新馥

一作羃盈

百車不為池與沼養

魚種芰成霪霪不為醴泉與甘露使名異瑞世俗誇特

稟朝澈氣潔然自許靡間其邇遐森然氣結一千里滴

瀝聲沈十萬家明也雖小暗之大不可遮勿一作被曲

瓦直下不能抑群邪奈一作柳何時逼不得時在我目中

柳

倏然漂去無餘些自是成毀任天理天於此物豈宜有
忒賒反令井蛙壁蟲變容易背人縮首競呀呀我願天
子回造化藏之韞犢翫之生光華

雪車

臘令凝綿三十日續紛密雪一復一孰云潤澤在枯荄
闌闊餓民凍欲死死中猶被豺狼食官車初還城壘未
完備人家千里無煙火一作雞犬何太怨天不卹吾耽

饑

一作

雞犬何太怨天不卹吾耽

如何連夜瑤花亂皎潔既同君子節沾濡多著小人面
寒鑠侯門見客稀色迷塞路行商斷小小細細如塵間
輕輕緩緩成樸簌一作樸籟官家不知民餒一作凍寒盡驅牛
車盈道載屑玉載載欲何之祕藏深宮以禦炎酷徒能
自衛九重間豈信車轍血點點盡是農夫哭刀兵殘喪
後滿野誰為載白骨遠戍久乏糧太倉誰為運紅粟戎
夫尚逆命扁箱鹿角誰為敵士夫困征討買花載酒誰
為適天子端然少旁求股肱耳目皆姦慝依違用事佞

上方猶驅餓民運造化防暑阨吾聞躬耕南畝舜之聖爲民吞蝗唐之德未聞墮孽苦蒼生相群相黨上下爲蟲賊廟堂食祿不自慙我為斯民歎息還歎息

修養

損神終日談虛空不必一作歸命于胎中我神不酉亦不東煙收雲散何濛濛嘗令體如微一作冷出微風綿綿不斷道自沖世人逢一不逢一一回存想一回出只知一切望一切不覺一日損一日勸君修真復識真一作真修世

上道人多忤一作誤人披圖醮錄益亂神此法那能堅此
身心田自有靈地珍惜哉自有不自親明真汨沒隨埃
塵

勿執古寄韓潮州

古人皆執古不辭凍餓悲今人亦執古自取行坐危老
菊凌霜葩綈松抱雪姿武王亦至明寧哀首陽飢仲尼
豈非聖但爲互鄉嗤寸心生萬路今古棼若絲逐逐行
不盡茫茫休者誰來恨不可遏去悔何足追玉石共笑

唾驚驥相奔馳請君勿執古執古徒自隳

荅孟東野

酸寒孟夫子苦愛老又詩生澀有百篇謂是瓊瑤辭百
篇非所長憂來豁窮悲唯有剛腸鐵百鍊不柔虧退之
何可罵東野何可欺文王已云沒誰顧好爵縻坐死守
一丘寧計飽與飢萬事付杯酒從人笑狂癡

自古無長生勸姚合酒

一本作楊勉酒

奉子一杯酒為子照顏色但願腮上紅莫管頰下白自

古無長生生者何戚戚登山勿厭高四望都無極丘隴
逐日多天地爲我窄祇見李耳書對之一作空脈脈何
曾見天上著得劉安宅若問一作長生人昭昭孔丘一

孟籍

獨飲

盡欲調太羹自古無好手所以山中人兀兀但飲酒

作詩

作詩無知音作不如不作未逢賡載人此道終一作長
一作寂

寘有虞今已歿

一作矣

來者誰為託朗詠豁心胸筆與淚

俱落

天津橋

洛陽宮闕照天地四面山川無毒氣誰令漢祖都秦關
從此姦雄轉相讞

嘲荆卿

白虹千里氣血頸一劍義報恩不到頭徒作輕生士

一作事

代牛言

渴飲潁水流
餓喘吳門月
黃金如可種
我力終不竭
一
歌

莫問卜

莫問卜人生吉凶皆自速
伏羲文王若不死今人不為
古人哭

觀八駿圖

穆王八駿走不歇
海外去尋長日月
五雲望斷阿母宮

歸來落得新白髮

經戰地

殺氣不上天陰風吹雨血冤魂不入地髑髏哭沙月人
命固有常此地何夭折

野哭

棘針生痏義路閒野泉相弔聲潺潺哀哉異教溺頽俗
淳源一去何時還

古怨

君莫嫌醜婦醜婦死守貞山頭一怪石長作望夫名鳥
有並翼飛獸有比肩行丈夫不立義豈如鳥獸情

烈士一作女一作詠

烈士一作女或一作不愛金愛金不為貧義死天人一作人亦許

利生鬼天一作亦嗔胡為輕薄兒使酒殺平人

狂夫

大妻唱舜歌小妻鼓湘瑟狂夫遊冶歸端坐仍作色不
讀關雎篇安知后妃德

餓詠

文王久不出賢士如土賤妻孥從餓死敢愛黃金篆

自問

自問彭城子何人授汝顛酒腸寬似海詩膽大於天斷
劙徒勞匣枯琴無復弦相逢不多一作得合賴是向林泉

一作頰手
響秋泉

入蜀

望空問真宰此路為誰開峽色侵天去江聲滾地來孔

明深有意鍾會亦何才信此非人事悲歌付一杯

塞上逢盧仝

直到桑乾北逢君夜不眠上樓腰脚健懷土眼睛穿斗
柄寒垂地河流一作黃河凍徹天一作河源羈魂泣相向何

事有詩篇

偶書

日出扶桑一丈高人間萬事細如毛野夫怒見不平處

事一作磨損一作曾中萬古刀

愛碣山石

碣石何青青
挽我雙眼睛
愛爾多古峭
不到人間行

與孟東野

寒衣草木皮飢飯葵藿一作食草木
根不為孟夫子豈識市

井門

姚秀才愛予小劍因贈

一條古時一作萬古
水向我手心一作胸中
流臨行鴻一作解
贈君

勿薄

一作臨報

細碎讐

老恨

雪一作打杉松一作殘補書書不完嬾學渭上翁辛苦
風雪

把釣一作持竹竿

欽定四庫全書

卷三百九十五



御定全唐詩卷三百九十五



總校官庶吉士臣張能照

校對官檢討臣郭寅

謄錄監生臣藍嘉瑄

卷之三

財團
佛陀教育基金會

釋淨空 故贈